



Røldal fjellstyre

Saksbehandlar, innvalstelefon

Øistein Aasland, 5557 2322

Løyve til permanente båtopplagringsplassar på Røldal fjellstyre – innanfor Hardangervidda nasjonalpark

Statsforvaltaren i Vestland gjev Røldal fjellstyre løyve til å etablere ein permanent båtopplagringsplass ved Stora Uravatnet i Ullensvang kommune. Vi godkjenner og dei allereie etablerte båtopplagringsplassane ved Nedre Hedlevatn, Øvre Hedlevatn og Holmavatn.

Løyve er gitt i medhald av § 48 i naturmangfaldlova, og det er sett vilkår til løyvet:

Vi viser til e-post fra leiar i Røldal fjellstyre sendt oss den 11. juni 2021. Vi viser og til tidlegare e-postar sendt oss og Tilsynsutvalet i Vestland – for Hardangervidda nasjonalpark.

Saka

Røldal fjellstyre søker om å lage til permanente båtopplagsstader på Røldal Statsallmenning. Dei har fire båtar liggjande i statsallmenningen som er disponible for dei bruksberettiga i samband med jakt og fiske. Dei ynskjer at det skal være enkelt og kjapt å setje båtene på vatnet. På same måte er det viktig å leggje til rette for at brukarane enkelt, og helst på eiga hand, kan leggje båtene i forsvarleg vinteropplag.

Då bruken på båtene varierer, og alle bruksberettiga har fri tilgang til båtene, er rutinen at desse skal i opplag etter kvar gong dei er i bruk. På denne måten har fjellstyret unngått problematikken med at båtene ikkje vert forsvarleg plassert gjennom vinteren. Dei har dermed også unngått at nokon av båtene har vorte øydelagt.

Noverande fjellstyre har «arva» tre allereie etablerte båtopplagringsplassar. Desse ligg ved Nedre Hedlevatn, Øvre Hedlevatn og Holmavatn, og er vist på kart og skildra i vedlegg til søknaden.

Røldal Fjellstyre søker om å etablere eit tilsvarande båtopplagringsplass i Stora Uravatnet. Nøyaktig plassering kjem fram i vedlegg 2 i søknaden. Båten er per no ikkje tilfredsstillande oppbevart.

Røldal Fjellstyre ynskjer også å få på plass det formelle rundt dei andre tre båtopplegga.




Kartutsnitt 1: Nedre Hedlevatn og Uravatn



Kartutsnitt 2: Øvre Hedlevatn



Kartutsnitt 3: Holmavatn





Statsforvaltaren si vurdering

Vi meiner det kan være fornuftig å få gode ordningar for båtopplagring for dei båtane fjellstyret har liggjande i statsallmenningen. Dette både sparar båtane, og det sikrar ein meir ryddig lagring av dei. Båtane får sin faste plass når dei ikkje vert nytta på vatnet.

Forvaltningsplanen seier fylgjande om slike tiltak; «*Løyve til andre byggetiltak etter § 48 i Naturmangfaldlova, generelle reglar om unnatak. Det er i verneforskriftene ikkje direkte heimel til å gje løyve til mindre byggetiltak som t.d. lavvoplattingar og flybrygger. Søknad om slike tiltak som ikkje er nemnt i verneforskriftene må handsamast etter § 48 i lov om naturmangfald.*

Om mindre byggetiltak: Heimelen for å regulere tiltak som ikkje er søkepliktige etter plan- og bygningsloven er § 4.1 i vernereglane: "Landskapet skal vere verna mot utbyggingar, anlegg og andre inngrep av alle slag, medrekna ..., parkering av campingvogner, brakker... Opplistinga er ikkje uttømmende. Det er landskapet som er verna så innretningar som har negativ påverknad for landskapet krev løyve etter søknad.

Døme på tiltak som krev søknad og som må vurderast etter verneforskrifta § 5: Brygge, plattingar for til dømes lavvo, utplassering av lagringskassar som vert ståande permanent. Kva tiltak som krev søknad må vurderast i det einskilde tilfelle. Når det gjeld oppsetting av lavvo som vert ståande over lang tid (som fast leirplass gjennom ein sesong) vert også dette vurdert til å krevje løyve.»

Saka har ikkje vore på høyring til dei vanlege uttalepartane i samband med tiltak i nasjonalparken. Dette av de vi meiner det er små tiltak som ikkje rører ved verneverdiane eller dei interessene desse uttalepartane har.

Statsforvaltaren har vurdert denne saka etter §§ 8 til 12 i naturmangfaldlova

§ 8 kunnskapsgrunnlag: Statsforvaltaren meiner vi har eit relativt godt kunnskapsgrunnlag i denne saka gjennom søknaden. Og det er små tiltak, som gjer at båtopplaget vert meir ryddig enn det det er utan desse båtopplagsinnretningane.

§ 9 føre-var-prinsippet: Slik vi ser det vil det ikkje være fare for at desse båtopplagsplassane vil ha ukjende, store negative konsekvensar for verneverdiane.

§ 10 økosystemtilnærming og samla belastning: Vi kan ikkje sjå at det omsøkte tiltaket vil auke den samla belastninga for området.

§ 11 kostnadene ved miljøforringing skal berast av tiltakshavar: Vi ser ikkje at det er relevant å vurdere saka etter dette temaet.

§ 12 miljøforsvarlege teknikkar og driftsmetode: Vi ser heller ikkje dette som relevant i denne saka.

Det er viktig at tiltakshavar/søkjar planlegg anleggsperioden og transporten slik at verknaden av arbeidet og transporten vert så liten og kortvarig som mogleg.

Statsforvaltaren er samd i at det er ei god ordning å lage til enkle båtopplagsplassar for dei båtane Fjellstyret har liggjande. Det vil take betre vare på båtane, og det vil framstå som meir ryddig der båtane ligg når dei vert lagra på land. Dessutan vert dei låsbare, slik at båtane vert liggjande der dei skal.

Vedtak

Statsforvaltaren i Vestland gjev Røldal fjellstyre løyve til å etablere ein permanente båtopplagringsplass ved Stora Uravatnet i Ullensvang kommune. Vi godkjenner og dei allereie etablerte båtopplagringsplassane ved Nedre Hedlevatn, Øvre Hedlevatn og Holmavatn.

Løyve er gitt i medhald av § 48 i naturmangfaldlova.



Det vert sett følgjande vilkår til løyvet:

- Plassane skal etablerast der dei er vist på kart i søknaden (sjå også over i sakspapira).
- Båtopplagringsplassane skal lagast slik dei vert skildra i søknaden, datert 11 juni 2021.
- Det kan borast hull i fjell til 4 stykk gjengestål. Og det kan borast 2 ekstra hull der det kan setjast augeboltar, slik at det vert mogleg å låse båtane med kjetting og hengelås.
- Det kan nyttast plank (2x4 toms) som vert festa på gjengestål som vert støypst fast i borrehull i fjell/stein. Båtane kan festast til plankane med to stykk jekkestropper

Vedtaket kan påklagast til Miljødirektoratet av part i saka eller andre med rettsleg klageinteresse, jf. forvaltningslova § 28. Klagefrist er 3 veker etter at ein er kjent med vedtaket. Klage stilast til Miljødirektoratet, men skal sendast til Statsforvaltaren i Vestland. Statsforvaltaren kan også gi opplysningar om klagerett og rett til å sjå saksdokument.

Med helsing

Stein Byrkjeland
fagdirektør

Øistein Aasland
seniorrådgjevar

Dokumentet er elektronisk godkjent

Kopi til:

Ullensvang kommune
Tilsynsutvalet i Vestland - for Hardangervidda nasjonalpark
Villreinnemnda for Hardangerviddaområdet
Vestland fylkeskommune
SNO-Rosendal
Miljødirektoratet